

Այժմ վերնագրի մասին. Ռ. Ղազարյանը գրույցի ժամանակ պնդում էր, որ ինքնագիրն ունեցել է թերթիկ, որի վրա գրված է եղել վերնադիրը, Դա մեղ միանգամայն հավանական է թվում, որովհետև Զտրենցը սովորույթովն է ունեցել նոր սկսվող երկի մուտքի էջը գեղազարգե՝ վերնագրին կից նշել գրության վայրը, ժամանակը և այլ անհրաժեշտ տվյալներ: Սակայն ԳԱԹ ՉՑ պահվող ձեռագիրը, որը եղել է մեր ձեռքի տակ, սկսվում է պոեմի առաջին տնից և բանաստեղծի թվագրումով առաջին էջն է: Նպատակահամարժար համարեցնելը պոեմը վերնագրին՝ առաջին տողով՝ «Ռույսեն գորշ, դեղին տերևներ...», քանի որ շապիկի դեր կատարող էջը, որի վրա պոեմն է գրված լինելը ՀԹՍ-ի «Հիշատակին» վերնադիրը, մենք այդպես էլ չգտնեցինք:

Պոեմը հիմնականում գրված է ութնյակներով, կան նաև շեղումներ, Վերջնական մշակման ենթարկելիս՝ Չարենցը դրանք ամենայն հավանականությամբ կկարգավորեր։

Ինքնագրի երրորդ էջի կողքին, 48-րդ տողից հետո Չարենցը պոեմը թվագրել է.

«Մաղկածառ. 29—30—31—VIII, 1936

Երևան. 17.11—1937»

Ինչ էլ ասում Չարենցն այս պոեմով, Ասում է, որ մեր ժողովրդի պես աշխարհով մեկ ցրիվ եկավ նաև մեր երգի հունտը, կորավ զնաց օտար աշխարհներում և անվերադարձ կորստի մատնեց մեր ժողովրդի հոգևոր հանճարը։ Հայ հանճարի սաղմը մեր գոյության ներկայությունն է աշխարհում, ուստի և. պարտություն մատնելով ժողովրդին, բոլոր ժամանակների բռնակալները աշխատել են նաև ջլատել մեր հոգևոր միասնությունը՝ նրանք այրել են մագաղաթներ, ավերել տաճարներ, ժողովրդից խլել նրա լեզուն, հայորդիներին ծառայեցրել իրենց պետությանը, նրանց արվեստով ու գիտությամբ զարդարել իրենց։ Այսինքն՝ Հայաստան աշխարհի պարտություններին և բաժանումներին հաջորդել է հանճարեղ այրերի «թալանը» և ժողովրդի հոգևոր միասնության ջլատումը։ Հողմը քշում է Հայոց երկրի հոգևոր սերմը, որ նրանք լրնկեն ու լսմարանն «Հայրենի հողերի վրա»,— Այլ, իբրև զեղին տերևներ, Թշնամի դաշտերում մեռնեն։ Այս դեպքում Չարենցը ցույց է տալիս այն ողբերգությունը, երբ հայոց երգի սերմը քշում ու ոչնչացնում է ոչ միայն բռնակալը՝ օտար դաշտերի «Ժամին», այլև՝ այդ բռնակալի տեղական կատարածուն՝ հայրենի Հողմը, Եվ դա այն պահին, երբ թվում է, թե հայ երգի թափառիկ ոգին աշխարհի հեռավոր ծագերից, բազմաթիվ զաղթօջախներից վերադարձել և հանգրվանել է իր հողի վրա, երբ վերապես հայ խոսքը վերագտել է իր հայ հայրենիքը։ Բայց և «Հայրենի սիրտը հանցապարտ»,— Հարազատ, սիրած հանգրվան Ծառեղուն խանդով հանցավոր» նրանք աշնան տերևների նման «Ընկնում են, բնկնում... Եվ քշում է, քշում մեր մոլի Հայրենի դաշտերի քամին»։ Բոլոր հայ հանճարների մեղքը հայրենիքի սերուն է, որովհետև այն, ինչ որ ունի բույր նախրյան՝ անմահ է պահում հայրենիքի զաղափարը, ուստի և՛ նրանք մատնվել են «Մահաշունչ, դժնի հողմերին»։ Չարենցն ասում է, որ մեր հանճարի ոգին իր վերադարձով ու մահով թեև իմաստավորում է հայրենի հողն ու ջուրը, բայց և ողբերգության մեջ ծիլ տվող այս խոհը ի սկզբանե «սակախոց» է, որովհետև այդ ոգին վերադարձել է. որ ապրի ու ապրեցնի և ոչ թե մեռնի, իսկ մեռնելիս՝ անզամ գերեզման չունենա, «Եվ լունե՛ք անզամ փոս դուք հիմա՝ Եվ օտար եք հայրենի հողում...»։

Չարենցն ըստ ամենայնի կանխազգում է իր և իր ընկերների մոտալուտ ողբերգական վախճանը։ Եվ դա պատահական չէ, որովհետև հայ հանճարի դատապարտվածության մասին Չարենցը խոսում է՝ աչքի առաջ ունենալով հայ հոգևոր ուժերի հերթական սպանըը, Հոկտեմբերյան հեղափոխության բոսորագույն կարմիրը Ստալինը վերածեց «արյունալի ծառան» և արյունեց շառագունած ճառագայթն էր, որ քանդեց, «Ցեցի նման մտավ ներս, Որ սուտի դա՛րավոր մի միջուկ»։ Սա այս շրջանում Չարենցին համակած մտքերի ծավալումն է, ըստ որոնց Ստալինը «Լափում է որձակը մտքի, Զրկում մեղ հունտից ազգային»։ Եվ ապա՝ «Հեղինակը մեր երգի, ողջը տարան թիարան» և կամ՝ «Իշել է այսօր Հեղինակն ամբողջ նախրյան երգի— ողջը թիարան»։

Աշխարհում երբեք չեղած այս անուր աղետի պահին Չարենցը բազմիցս դիմում է իր դրչակից ընկերներին, անգամ՝՝ դրական հակառակորդներին և նրանց կոչում ոգու ամրության։ Դրա հետ մեկտեղ նա հայացքն ուղղում է առանձին անհատների ճակատագրին և հայ երգի պատմական մաքառումների ուղին ու ներկա վիճակը պատկերում նրանց կերպավորող գործերում։ Ամեն մեկի մեջ առանձին Չարենցը տեսնում է նաև իրեն և իրենով վերաճալում երկրի ու երգի ճակատագիրը։ Որպես նոր երկրի սերմնացան՝ բանաստեղծը շատ ցավագին էր առնում ամեն մի արգելք, որ Ստալինը և նրա տեղապահներն ու կամակատարները իջեցնում էին ազգային երգի ճանապարհին։ Ուստի և՛ միջնադարից վերադարձած այդ հավատաքնությունն ու ինկվիզիցիան

Այրում է երկաթով ու հրով,

Որպես ծիլ թշնամի արյան—

Ինչ երանգ ունի նախրյան

Եվ կարող է վարակել սիրով...

Ըստ Չարենցի՝ ազգային ոգու դեմ ուղղված այս դավերը, որոնք մի դեպքում արտահայտվել են ազգային դպրոցները փակելով, մեկ այլ դեպքում՝ աքսորով ու գանձաբուծությամբ, փորձվել։

աւ սուրգվիլ են անցյալում, ցարերի ժամանակ և հիմա գործադուլյան մեջ են մտնում անվերապ կրակոցներով: Համրեղհանուր ցավի մեջ ուժգնանում են նաև անձնական կյանքի տագնապ-
նեբր. ժեզ են էլ... Արդեն քար կացնով խոցված՝ Մնում եմ <արդեն> իմ հերթին:

Այս պայմաններում հայրենի դաշտերի Հողմն ու Քամին շոգերին է միայն բարեկամո, հանցադործին ու մարդասպանին: Արյունով նվաճած իրական հայրենիքի փոխարեն այդ Հողմն ու Քամին հոլակում են մի նոր հայրենիք, որը ոչնչացնում է իրեն ստեղծող որդիներին և հովանավորում դողին, մարդասպանին, կամակատարին և բոլոր նրանց, ովքեր հանուն մի կտոր հացի շատ արագ մոռանում են իրենց ինքնությունը. պարտության մատնում սերնդից սերունդ ժառանգած ոգեղեն ուժը:

Պոեմը գրված է նույն նութի ու նույն տրամադրության անընդհատ վերաթարծումներով՝ խորհրդանշաններ ունենալով Հողմը, Քամին, Հունտը, Սերմը, Աշնան տերևը, Հայրենի հերկը, որոնցից Հողմը և Քամին երբեմն զրել է մեծատառ, երբեմն՝ փոքրատառ: Խորհրդանշանի է վերածվում նաև ծրդը, լծակից ունենալով ծրգասանի կերպարը: Միահուն թվացող մտորում-
ների շղթան իր մեջ ներառում է բազմախոս կողմեր՝ ժողովուրդ և ժողովրդի պատմական ճակատագիր, հայ ոգի և հայ ոգու խաչելություն, ժամանակ և անժամ, Չարենցով կերպավոր-
վող որոշակի բանաստեղծի ճակատագիր և այդ ճակատագրի դեմ գործող պետական անխափան մեքենա:

Բնույթով պոեմը խորհրդածական է, որ ընթացք է ալիս մոռյլ ու ողբերգական տրա-
մադրությունների: Բայց համատարած ադ մահվան մեջ զալիս է մի պահ, երբ, աչքի առաջ ունենալով հայ հանձարի լույսը, հայ հանձարի թեև տրոբված, բայց և տոկուն ուժը, Չարենցը նուրբ անցումով խոսքի մոռյլ ողբերգը վերածում է գովքի և փառաբանում նաիրյան հան-
ձարի ինքնությունը:

Անձրևի, ցրտերի, շոգի,
Տանջանքի, սովի, հարվածի,
Խենթության, դառնության, լաշի
Բոցերում կարծեքաժ, օ, ոգի՛...
Օ, ոգի, օ, սաշմ նաիրյան
Հանձարի,— Ե, ինքնություն.
Աշխարհում չկար ո՛չ մի թույն,
Որ լուծեր հյուսկն քո արան...

Յ, պի՛րկ, անհարի՛ր, անլուս.—
Միայն շենթակա տարր.—
Տարամերժ, օ, տարր դու օտար,
Որ հորդել ևս դարեր անդադար
Ինքնաբուխ, սեփական լույս...

Ի՞նչ ապա՝

Ես գովք եմ երգում քո անմահ
Ինքնության այդ բարձրաբերձ
Որ, իբրև անխորտակ մի բերդ,
Դարձրեց մեզ — հավիտյան — մա՛րդ:—
Ես գովք եմ երգում մեր ոգուն,
Որ անկոր ինքնությամբ կենդանի՝
Փորձությամբ կարծեքաժ քանի—
Այնքան պի՛րկ դարձավ ու տոկուն:

Թեև ոչ անմիջականորեն և ոչ էլ զրական բացահայտ ազդակներով, այնուամենայնիվ Չարենցը շարունակում է Ասում Ցարձանյանի և Դանիել Վարուժանի հայրենի հրավերի մո-
տիվը, որի արտահայտություններն էն հենց ռձայրենի հրավերն ու ռձացին երգը: Խոսքն ուղղելով մահվան մատնված աշնան տերևներին, այսինքն՝ իր երգակից ընկերներին, Չարեն-
ցըն ասում է. Վերանց մահն — անմահ հորովել է՝ Հայրենի հողի հրավեր...: Այս մահը՝ մա-
հերգի ու սգերգի տրամադրություններով դառնում է ընդհանուր ողբերգի մի ծանր շառաշ և իրոնիկ շեշտով տրվում գովերգի: Ստալինյան ամսուջ մղձավանջը դառնում է իր տոնական ծափ ու ծնծղայով:

Ցնծութիւնն է մահն աշխարհում,
 Հաղթական երթ է շքեղ,
 Գալիքի ցնծալի շքերթ—
 Հոնդուն ցրտերի միջով...
 Փա՛ռք, օ, իհա՛ռք, քրքիշով ու ճիշով
 Դեպի մահը թուող ընդառաջ
 Սաղմերին. . .

Այսպես նյութի և տրամադրության անընդմեջ վերաբարձումներով, պատկերների կրկնա-
 դարձով, ժողերի, առանձին արտահայտությունների ու բառերի կրկնաբերումով Չարենցն ըս-
 տեղծում է ժամանակի երդը, դրա մեջ մեկտեղելով հայ երդի ու հայ երդասանի ճակատագիրը:

Պոեմը տպագրության ենթակայացնում պահպանված մասերի ամբողջությամբ 51 թերթ
 ներկայացնող ինքնագիրը. որը որոշ դեպքերում դրված է երկու երեսի վրա, ըստ էության
 անավարտ է և անմշակ: Կարծեք թե վերջնական տեսքի բերված տների կողքին քիչ չեն նաև
 այնպիսիները, որոնք սոսկ առաջին գրի արդյունք են:

Չնայած ձեռագիրը ուսումնասիրել ենք հանդամանորեն, այդքանից հետո էլ ամենևին
 բացառված չենք համարում վրիպումները, որովհետև ձեռագիրը ոչ միայն անմխիթար վիճա-
 կում է, այլև խառն են Չարենցի կողմից չհամարակալված էջերը:

Սուրանկուն փակագծերի մեջ նշված են՝ 1. անընթեռնելի բառերը <անընթ.>, 2. բայ-
 քաված բառերը <քայք.>, 3. ենթադրաբար վերականգնված բառերը, 4. այն բառերը,
 որոնք Չարենցը սկզբնապես գրել է, ապա շնչել, բայց տեղը նոր բառ չի գրել:

Դ. Վ. ԳԱՍՊԱՐՅԱՆ

ԵՂԻՇԵ ՉԱՐԵՆՑ

ՈՐՊԵՍ ԳՈՐՇ, ԴԵՂԻՆ ՏԵՐԵՎՆԵՐ...

Որպես գորշ, դեղին տերևներ,—
 Ցրում է Հողմը, ցրում—
 Անդադար, սերնդե սերունդ—
 Նախրյան երգի արեկներ,
 5 Անեղկիր հունտը անմահ,
 Որ վաղուց, իր հողից հեռու՝
 Ծ՛վ դարեր առաջ, և՛ հիմա—
 Քշվել է տաշեղի նման
 Աշխարհի բոլո՛ր բացերում...

10 Եվ կրկին, որպես տերևներ,
 Քշո՛ւմ է հողմը նրանց,
 Որ չընկնե՛ն, նրանք շամբանան
 Հայրենի հողերի վրա,—
 Այլ, իբրև դեղին տերևներ—
 15 Թշնամի դաշտերում մեռնեն...

Եվ ահա, ինչպես միշտ,— հիմա
 Աշխարհի բոլոր կողմերից,
 Ազատված հազար հողմերի
 Ժանտաժանտ ուժից, մերձիմահ
 20 Հավաքվել էին երբ հազիվ
 Դաշտերում իրենց հարազատ—
 Հայրենի հողմն է ահա ժանտ
 Հալածում նրանց՝ բիրտ ու զազիր...

Թափվում են, թափվում անդադար՝
 25 Հայրենի հողմերի ներքո—
 Խեղճացած, նողկալի երգով՝
 Հայրենի սիրով հանցապարտ,—
 Հարազատ, սիրած հանդերի
 30 Եռանդուն խաղով հանցավոր—
 Ընկնում են, ընկնում հանցագործ,
 Ինչպես տերևներն այս դեղին...

Ո՛ր, պոետ,— օ, ո՛ր,— օ, ո՛ր,—
 Ցնծագին երգով, շառաչով
 Տերևներն այս՝ մահվան առաջող—
 35 Նրանցից երջանիկ են ու ողջ,—
 Նրանցից բյուրապատի՛կ առավել
 Անվեհեր են այս շոր տերևները,—
 Նրանց մահն — անմահ հորովել է՝
 Հայրենի հողի հրավեր...

40 Թռչո՛ւմ են նրանք զվարթուն
 Խառնելու շրշյունն իրենց շոր—
 Հայրենի ծարավով տոշոր
 Հողերին, շողին ու մարդուն,—
 Ընկնում եք ընդմիջտ սակայն դուք՝
 45 Մեռնելու մահով անիմաստ,—
 Եվ — տխու՛ր է ձեր երգը նվաստ,—
 Եվ չունե՞ք անգամ փոս դուք հիմա՝
 Եվ օտա՛ր եք հայրենի հանդում...

Եվ քշո՛ւմ է, քշում մեր մոլի
 50 Հայրենի դաշտերի քամին
 Դեռ ոխով ահեղ, թշնամի,
 Ինչպես տենդն՝ արյունից ջերմողի,—
 Դեռ քշում է հունտերը բոլոր
 Նախրյան սիրո ու երգի,
 55 Որ չընկնեն հայրենի հերկին՝
 Սահմանված բերքի՛ համար նո՛ր...

Աննահանջ կամքով զրահավոր,
 Աննկուն, անխոնջ ու դաժան՝
 Համակված ոխով սրբազան
 60 Եվ անսահման ահով.—
 Համակված անհուն սարսափով
 Հայրենի սիրո ու երգի,—
 Մաքրո՛ւմ է հող ու երկիր
 Ցեցերի՛ց այդ՝ մահից խուսափող...

65 Համակված անանց սարսափով,
 Ինչպես արնագույն լաթից
 Ցուլերն են դժնում, մահատիպ,—
 Մահացու սարսափի տապով—
 Այրում է երկաթով ու հրով,
 70 Որպես ծիլ թշնամի արյան—
 Ինչ երաճ ունի նախրյան
 Եվ կարող է վարակել սիրով...

Ինչպես սև, զազիր զառանցանք,—
 Որ պատում է հոգին մարդկային,—
 75 Այդպես՝ ամեն մի դահիճ
 Ո՛չ թե ա՛յն է համարում հանցանք,—
 Որ հանուն նողկալի փողի
 Գլո՛ւխ է կտրում ինքը կայնով,—
 Այլ — քաղցից դարձած խելացնոր—
 80 Իր կտրած գլուխը դողի...—

Ճի՛շտ այդպես հիմա մեր Քամին,
 Մեր երկրի Հողմը տիրող—
 Հայրենի ջուրն ու հողը սիրող
 Գողերի՛ն է միայն թշնամի...
 85 Բռնկված աշխարհի սիրով՝
 Աշխարհի փրկարար Քամին—
 Կարո՞ղ է արդյոք իր սիրո
 Տիեզե՛րքը գրկող հուլիսերով
 Ընդունել — հին տունն իր սիրող
 90 Մի զազիր հաշմանդամի...

Հաճակված ահռելի ոխով
 Դեպի սև, անասնական
 Այդ սիրով վարակված, սակայն
 Թաքնված «կուսուժյան» քողով
 95 Ոսոխները բոլոր նողկալի,—
 Հնձում է եռանդով անձիր
 Հայրենիքն իր — հայրենի նա հնձից,
 Որ ցանի — հայրենիք մի գալիք...

Իր երկրի հանցավոր սիրով
 100 Վարակված շուղերն այդ սակայն
 Հրկիզում է նա — հանուն իսկակա՛ն
 Հայրենիքի սիրո...
 Նշելով գարշանքի կնիք
 Հնացյալ սիրո ճակատին—
 105 Հուշակում է նա դրան հակադիր—
 Հայրենիք...

Եվ ընկնում են, ընկնում անդադար,
 Ինչպես շուրջըս — տերևներն աշնան,—
 110 Հայրենի հանդերում բուսնած
 Ցողուններն՝ հողմերին օտար...
 Ընկնում են, ընկնում են անվերջ—
 Եվ ծիլեր՝ դեռ նուրբ, նորընծա,
 Եվ — արմատից հնձած—
 115 Բարդիներ՝ արդեն աստղամերձ...

Օ, այն չէ՛ սակայն զազրելի,
 Որ քշում է այսօր մի հողմ,
 Թշնամու նման, ամեն կողմ—
 Մեր երգի նոր ծիլերն էլի—
 120 Այն ե՛րբ է եղել — հարազատ
 Իր երկրի, կամ օտար կողմերի
 Մահաշունչ, դժնի հողմերից
 Նախրյան երգի սաղմը — ազատ...

- Քշե՛լ է միշտ է՛լ նախրյան
 125 Երգերի սաղմը քամին,—
 Տեսել է նա անթի՛վ թշնամի,
 Բայց ծաղկել է կրկին՝ բո՛րբ ու բուրյան:
 Քշվե՛լ է, արվել ոտնակոխ,
 Խառնըվել հրի ու փոշու,—
 130 Բայց իբրև ոգի, իբրև շունչ,
 Իբրև սաղմ անմահ, ինքնագոհ,—
 Պահպանել է նա մի՛շտ անմեռ:
 Իր ներքին ինքնությամբ անկոր,—
 Ինչպես հունտն է պտուղի — անկոխ,
 135 Քանի՛ չի նեխել միջից դեռ...
 Պահպանել է իր միջուկն — անեղծ,
 Եվ դարձել դրանով միայն — հար
 Բյուրավոր դժնի, անհնար
 Փորձանքների համար — անմեծ...
 140 Անձրևի, ցրտերի, շոգի,
 Տանջանքի, սովի, հարվածի,
 Մենության, դառնության, լացի
 Բոցերում կարծրացած, օ, ոգի՛...
 Օ, ոգի, օ, սաղմ նախրյան
 145 Հանճարի,— օ, ինքնություն,—
 Աշխարհում չկար ո՛չ մի թույն,
 Որ լուծեր հյուսն քո արյան...
 Օ, պի՛րկ, անհարի՛ր, անլուծ,—
 Միացման շենթակա տարր,—
 150 Տարեբամերժ. օ, տարր դու օտար,
 Որ հորդել ես դարեր անդադար
 Ինքնաբուխ, սեփական լույս...
 Դարերի ծագից, ակունքից
 Մինչև օրս հասած դեռ ասա
 155 Օ, դու, նախրյան սաղմ,—
 Մի՞թե արդ վերջապես հասար
 Քո ան... <անընթ.> երկունքին...
 Օ, հազար հողմերի նոխազ,
 Օ, հազար հողմերով տար,
 160 Դաշտերում հայրենի և օտար
 <Բյուրաբյուր> ոտքերով կոխած...
 Դու եղել ես սաղմ կենդանի,
 Ոգու հունտ անկոխ ու անմահ,
 Որ ծաղկում է բոցով անմար,
 165 Հավիտյան՝ ինքն իր մեջ՝ անմահ,—
 Եվ ծաղիկ է տալիս,—
 Ուր <անընթ.> Հողմը տանի...
 Ես գովք եմ երգում քո անմահ
 Ինքնությանն այդ բարձրաբերձ,
 170 Որ, իբրև անխորտակ մի բերդ,
 Դարձրեց մեզ — հավիտյան — մա՛րդ:—
 Ես գովք եմ երգում մեր ոգուն,
 Որ անկոր ինքնությամբ կենդանի՝
 Փորձությամբ կարծրացավ քանի—
 175 Այնքան պիրկ դարձավ ու տոկուն:

Ես գովք եմ երգում նաիրյան
 Պանծալի ոգուն հայրենի,
 Որ հրով կոփված հայրերից
 Ժառանգել եմ ես՝ հրի հետ արյան:
 180 Ես գովք եմ երգում <ցնծության>՝
 Հանուն հոր, և՛ որդու, և՛ հոգու,—
 Նաիրյան բարձրաբերձ ոգուն,
 Նաիրյան սաղմին անկորուստ...

Բայց և գովք եմ երգում խնդավառ
 185 Հողմերին, քամուն, հրդեհին,
 Որ <ոտնակոխ> արին
 Նաիրյան սաղմն անդադար:
 Ես գովք եմ երգում վերջապես
 Մահաշունչ, վայրագ, ամեհի
 190 Ուժերին Փորձության ու Մահի,
 Որ մեր ոգին չափեց:—

Որ դարե՛ր, դարե՛ր, դարե՛ր,
 Վայրենի՛, վայրա՛գ, բարբարո՛ս,
 Տեսնելով, իբրև բարձր փարոս,
 195 Մեր ոգու <անընթ.> հանճարեղ,—
 Խառնիխուռն, ինչպես հորդաներ,
 Հեղեղներ ամեհի, կործանող—
 Խուժեցին հողմերի պես <տանող>—
 Եվ ... անհետ կորան աշխարհում...

200 Ես գովք եմ երգում կործանիչ
 Ուժերին վայրագ, ամեհի,
 Որ ներքուստ, սակայն, ամալի—
 Դասատու են դառնում փորձանքի:
 Եվ երգում եմ գովք վերջապես
 205 Նաիրյան ոգուն ամեհի,
 Որ <երկնումով> էր ողջունում մահին,
 Որ պիտի իրեն կործաներ...

Եվ այն ո՞ր, այն ո՞ր կենդանի,
 Սաղմնավոր, սաղմով անմահ
 210 Խնդությամբ չեն դեպի մահ
 Ընթանում, իբրև հանդեսի...
 Այդպես չի՞ արդյոք մոլեգնած
 Ծառերի ցնծությունն այս ահա,—
 Ցնծությամբ են թռչում դեպի մահ
 215 Տերևներն ահա շուրջս դեղնած...

Հնչելով ցնծության ծնծղաներ—
 Ցրելով տերևներն իրենց շոր—
 Ցնծությամբ ծփածոփ ու ճիչով—
 Հղում են կենսատու ընծաներ...
 220 Ցնծագին, ամեհի, շոա՛յլ
 Ցրում են սաղմերն իրենց բյուր
 Աշխարհի կողմերը բոլոր,—
 Որ, եթե կարող են — աճեն...

Ցնծություն է մահն աշխարհում,
 225 Հաղթական երթ է շքեղ,

Գալիքի ցնծալի շքերթ—
 Հոնդուն ցրտերի միջով...
 Փա՛ռք, օ, փա՛ռք, քրքիչով ու ճիւղով
 Դեպի մահը թռչող ընդառաջ
 230 Սաղմերին :

Բայց դո՛ւք,— դո՛ւք,— շվարած,
 Ձեր մահից առաջ մահացող,
 Ինքնամերժ քծնության հացով
 Մահատիպ կյանքին ձեր վարած,—
 235 Հայրենի հողմի այս մոլի
 Գերանդու եռանդուն թափով
 Գետնահար փռված, անխոս
 Օ, վերջին հերկերի ծիւեր...

Օ, դուք,— դեռ այսպես խնամքով
 240 Արմատախիլ շարած,
 Դեռ դրանից առաջ
 Մեր երգի հնամյա, անկոխ
 Հողերից բարձրացած, վերջին
 Նաիրյան անաղա ըտ երգի բերք,—
 245 Այդ ե՛րբ, այդ ե՛րբ, այդ ե՛րբ
 Պղտորեց ակունքը ձեր շինչ...

Որքան էլ ուշացած բերք
 Հաղարամյա հունտի,
 Որ տվել էր դեռ երեկ անթիվ
 250 Բարձրաբերձ վերձիգ երգի
 Ուր, իբրև սերունդ երեկվա,
 Մի գարունք ընդամենն առաջ—
 Բարձրացել էին ի՛նչ կենսառատ
 Երգիչներ՝ ոգով աներկբա...

255 Հնամյա անտառում բուսած,
 Արմատներ ձգած դարավոր
 Մի կաղնու սաղմը մի օր,
 Որքան էլ հեռու,— ասա՛,—
 Ասա՛ ինձ, անտառ հայրենի,
 260 Կարո՞ղ է ծնած չլինել
 Այդ սաղմը — և ոչ մի հյուսիս
 Հայրենի անմահ ավյունից:

Կարո՞ղ է լինել մի սերունդ,
 Որ նախորդ սերնդից հանկարծ
 265 Զունենա ոչի՛նչ ժառանգած,
 Իբրև շիղ, արյուն ու ավյուն—
 Որքան էլ ուշացած
 Տարածվել այնպես գետնաբարշ,
 Որ ոչ մի ցողուն չցանկա
 270 Գեթ մեջքը շտկել մի անգամ...

Տարածվում եք, ընկնում եք այդպես,
 Թափվում եք — այդպես ընչին—
 Հայրենի հողմերի շնչից
 Դուք ահա իմ շուրջը անվերջ...

275 Տարածվում եք, փռվում եք հլու,
Հանցապարտ ժպիտով, խեղճ,
Որ ներքուստ կա դրված ձեր մեջ:

Եվ ա՛յդ է ահա,— ահա այդ
հեղճութունն է եղել ձեր ներքին,
280 Որ թախիժ է ձուլում երգիս—
Եվ լցնում ոգիս տրտմությամբ:—
Եվ զարմանք է պատում, և անդուռ
Տարակույս ու կասկած անգամ,—
Թե ինչը ձեզ թեքեց այնքան,
285 Որ դարձաք անկամ այդքան դուք...

Օ, այդ ի՞նչ, այդ ի՞նչ զորավոր
Բացիլ էր՝ ոգու ցեյ խոցե,
Որ այդքան հե՛շտ սղոցեց
Նաիրյան <ոգին> զրահավոր,
290 Ձեր ոգու անկոխ ու անեղծ
Ինքնութունն հազարամյա,
Որպես մաշկ մարմնի զառամյալ,—
Եվ, որդի նման, մտավ ներս...

Որպես ճառագայթ անտես՝
295 Նրա պես ամենուր թափանցող—
Այս կարմիր Հողմերի ցնցող
Ճառագայթն էր այդ, որ քանդեց
Նա ցեցի նման մտավ ներս;
Որ ուտի դարավոր մի միջուկ,—
300 Բայց... գտավ այնտեղ միայն ջուր,
Որ վաղուց նեխած էր արդեն...

Հողմերի անհողդողդ <քայք>,
Որ ձեզ զգեսնեց թափով,—
Օ, ինքն էլ տեսավ <քայք>,
305 Որ ...միջուկ չունի ձեր հոգու
Եվ տեսավ, որ վաղուց արդեն ձեր,
Ձեր անկոր թվացող ոգու
Նաիրյան հին միջուկում
<Սոսկ> ջուր է նեխած մնացել:

310 Այդպես մարդ թարմ, անեղծ <.....>
Արտաքուստ կարմիր խնձորում
Կտրելուց հետո որդ <է> գտնում
Մինչև հունտը նրա թափանցած:
Ախ, տեսեք, և դա բնական <է>,
315 Եվ որդերն անգամ այդ գիտեն,
Որ պիտի հունտը ուտեն
Եվ ուզում են սպանել մի կյանք:

Բայց այդ ե՞րբ, այդ ե՞րբ, այդ ե՞րբ
Թափանցեց մահվան որդը ձեր մեջ,—
320 Եվ երբ հե՛շտ այսքան գետնահարվեց,
Մենք աեսանք, որ վաղուց է նա եղկ.
Քողարկված առողջ թվացող
Նաիրյան կաթմրավուն կեղևով—

Թե ներքուստ, ավա՛ղ, թե ձևով—
325 Դուք ընկած եք խեղճ նվոցով...

Բայց մի՞թե բոլորդ էլ ներքուստ
Ձեր հոնատով, միջուկով նեխած
<Պտուղներ եք միայն խակ...>
Պտուղներ և <այդ>, և թե այս
330 Հողմերի շառաշն ահարկու
Չցնցեր — դուք <անընթ.> դեպ երկիր
Դեռ կարող էիք <անընթ.>
Հնամյա մեր <քայք.>...

Ախ,— այս է ահա զաղրելի,
335 Եվ մահուց առավել մահ,
Որ թափված եք շուրջս հիմա
Նվոցով անասելի...
Որ անգամ <փորձում> եք ճշալ
Եվ հազիվ հողմից <օրոր...>—
340 Դուք եք վարանում—
<քայք., անընթ.>
Եվ մեռնում դեռ շունչ չբաշած:

Որ դարձել է մթին զառանցանք
Ձեր նախկին ինքնությունն անգամ,
345 Ձե՛ր, հենց ձե՛ր խոհերում անգամ
Եվ թվում է այնտեղ անհանցանք,
Որ հաշտ էք հանձնվում այնքան
Եվ անգամ <ահը> ձեր աչքին
Նման է թվում հրաշքի,
350 Որ ինքնությունը դեռ կա:

Բայց չէ՞ որ դուք երեկ դեռ կայիք,
Եվ անգամ գործերում ձեր հաճախ
Հռնդում է նաիրյան ջանք
Եվ շնչում ձեր երգային:—
355 Շարքերում ձեր՝ հիմա հնձափ,—
Դեռ կային նաիրյան մի քանի
Բարձրաբերձ ոգով երգային
Դեռ քանի՜ բարդիններ բարձր:

... Ոմանք կան գեռ, ոմանք հեռացան,
360 Լքեցին ոմանք երգը հերկի,
Ծախեցին ոմանք իրենց ձիրքը
Եվ խեղկատակներ դարձան...
Խուպտեց ոմանց ձայնը վսեմ,—
Տվեցին ոմանք ձիրքը վերին—
365 Ընթացիկ հով <...> հողմերի,—
Եվ հացը նրանց — դարձավ սև...

<քայք.> այդպես դարձավ ամայի,
<քայք.> դարձավ անտառն հնամյա,
<քայք.> վերջապես մնաց,—
370 <քայք.> սաղմն ահա այս ամեհի,—
<քայք.> անաղարտ <քայք.>
<քայք.> հերկը <անընթ.>

Ուր քամին է շաշում բարձրաձայն
 Եվ երգում գովք երկնային...

- 375 Եվ ես է՛լ հին անտառի
 Սրբազան պսակից բարձրացած,
 Գագաթով աստղերին հասած
 Մի վերջին սոսի կենդանի,—
 Ահա ես — միայնակ, բարձր՝
 380 Ամայի անտառում ցցված՝
 Կացնի հարվածով խոցված—
 Սպասում եմ արդեն իմ հերթին...

- Ախ, քանի՜ անգամ բարձրացավ
 Սև կացինը, որ ինձ զգետնե,
 385 Եվ որքա՛ն ձգտեցին գտնել
 Իմ երգի արմատները կարծր,—
 Դիմացած քանի՜ հարվածի,
 Եվ կրծքից, և բնից խոցված—
 Հայրենի ավյունով լցված—
 390 Չըկտրեց և ոչ մի կացին...

- Օ, վաղո՛ւց, վաղո՛ւց, երբ դեռ
 Խաղաղ էր ձեզ մոտ՝ ներքևում,—
 Իմ գլխին այս Հողմն էր թևում,
 Զեր խղճուկ հովերի հետ մեկտեղ...
 395 Նա վաղո՛ւց է ձգտել ինձ խեղդել—
 Բայց կամ չի հասել գագաթիս,
 Կամ՝ սարսած ուժից արմատիս
 Կաղկանձել է շուրջս լկտի։...

- Եվ կանգնած եմ ես դեռ վեհ՝
 400 Միայնակ ցցված հայրենի
 Անտառում՝ լերկ, ամայի,—
 Եվ Հողմն է շաշում ահեղ,
 Հնչում է հեծծանքը խեղճ, այնտեղ,
 Եվ անկման մահերգը սև,—
 405 Եվ երկու գետնաբարձ, նսեմ
 Ցողուններ են շրջում անդամ...

- Եվ ահա, մահաբեր Հողմի
 Հոնգո՛ւն տենդին ընդառաջ—
 Իբրև երգ հաղթության ու շառաչ,—
 410 Բարձրանում է նրան <ց> «որմին»...
 Իբրև նո՛ր, կենսաբաշխ, հաղթող,
 Արշավող հայրենի երդի հիմն—
 Նրանց ե՛րգն է շաշում հիմի ,
 Դիերի վրա ձեռ դեռ թարթող...

- 415 Օ, դուք, օ, դուք, օ, դուք,—
 Մեծ հերկի զազրելի զարմեր,
 Որ իբրև կենսունակ սերմեր,—
 <Աճեցիք> խինդով հոնգոն...
 Որպես Քա՛մն այն հին, պղծասե՛ր՝
 420 Մերկանդամ ձեր հոր մարմնին—
 Իբրև մի պատմուճան կարմիր—
 Փռեցի՛ք ձեր լորձունքը սև...

0, հազար ոսոխից զազիր
Որոմներ հայրենի սերմի,—
425 Ձեր ինչի՞ն է փառքը երգի,
Երբ խռպոտ խոսում եք հազիվ...
0, ոչինչ, որ երկինքը ձեզ
Զի տվել նշույլ տաղանդի,—

0, այդ որ, այդ որ սատանան
430 Բնությամբ իր որքա՞ն իրոնիկ,—
Ձեզ դրդեց՝ հավատքով խորին՝
«Հոգևոր» կոչում ստանալ...
0, չկա՞ր արդյոք ուրիշ,
Ոչ մի այլ ասպարեզ, ուր դուք
435 Հորդեք ձեր եռանդն անդուլ,—
Գոնե քիչ հրապուրիչ...

Ինչի՞ն է որդին աղբային
Հուսատեսք աչք, կամ ականջ,—
Հսկելու ձայներ, որ չկան
440
Որպեսզի գոյությունն իր պահի՞
Բավական է որդին այդ եղկ՝
Երկու անցք՝ մի փոքր մեկը նեղ,
Իսկ մյուսը — քիչ լայն,—

Այդպես էլ դուք <քայք>
Գոյության համար ձեր գարշ—
Ե՛վ թեթև ավելի, և՛ պարզ—
Եվ բազմիցս շահավետ ուրիշ,—
445 0, չկա՞ր ասպարեզ արդյոք այլ,
Բայց՝ գնչին ավելի՞ ձեր վայել,—
Որ թե ձեր գոյությունը պահել,
Թե գտնել արևին <անընթ>...

Միևնույն է այդ, թե մի կին
450 Աղտեղի, ներկած՝ բերանով՝
Հիացած մի օր իրանով՝
Համբույրներ փռել ամենքին...
Կամ, բախտի կամքով սրամիտ,—
Թագուհի դառնար,— և օրենք
455 Հռչակեք, որ բոլորն համբուրեն՝
Հիացած բույրով բերանի...

<...> Այն սաղմի նման կենսակիր,
Որ անգամ կապտածի <ը> բոցում
460 Մնում է <կյանքին> ու լեցուն...
Եվ կարող է բազմանալ կրկին,—
Ես—երգիչ նախրյան վերջին
Կենդանի, անկեզ հյուսի,—
Ձեզ, որ ինձ այսպես եք ձուլել—
465 Ձոնում եմ ահա ջերմը գրչիս:

Եվ ցավով, ավա՞ղ տխրությամբ
Թախիծով եմ նշում ակամա—
Մեռնելով հայրենի հողում,

- Հայրենի ավյունն <անընթ> ...ողուն
 470 Ձի հասնի նոր կյանքի սակայն,—
 Միայն այն հունտը՝ թեկուզ
 Բյուրապատիկ անգամ չարչարած
 Եթե ինքն է իր մեջ արդեն փուչ...
 475 Եվ որքան են կրկնել անցյալում
 Այս մահվան համերգը նորա,
 Որ այդպես — առանց փորձելու
 Երգում են կրկին — անսխալ...
 Ախ, եթե դու է՛լ, օ, սի՛րտ իմ,
 480 Օրերիդ կարոտի դիմաց
 Այնքան վարժ երգերի քո վիշտը,
 Ինչպես տերևներն այս մերձիմահ...

ՏԱՐԲԵՐԱԿՆԵՐ, ԲՆԱԳՐԱՅԻՆ ՏԱՐԲԵՐՈՒԹՅՈՒՆՆԵՐ, ՍԵՎԱԳՐՈՒԹՅՈՒՆՆԵՐ

49—131-րդ տողերի տարբերակներ, բնագրային տարբերություններ և
 տեղափոխություններ.

Եվ քշում է, քշում է մեր մոլի
 Հայրենի դաշտերի Քամին՝
 Մաքրելու համար միառմի,
 Ինչպես տենդն՝ արյունից ջերմողի,—
 Նաիրյան հունտերն այն բոլոր՝
 Կորովի, հանճարի, երգի—
 Որ կարող են հին մի երկիր
 Արգելել— հերկի համար նոր...

Ահռելի, եռանդուն, դաժան,
 Ամեհի կամքով զրահավոր,
 Համակված ահռելի ահով
 Հայրենի սիրո սրբազան,—
 Համակված է ինչպես մի գազան
 Արնավառ զգեստի <անընթ> ...ով,—
 Համակված զարհուրիչ տապով
 Իր երկրի անցյալից սրբազան,

Համակված անսանձ սարսափով,
 Ինչպես արնագույն լաթից
 Ֆուլե՛րն են տրվում սարսափի,—
 Իր ամբողջ խեղճության թափով—
 Այրում է երկաթով ու հրով
 Փոքրագույն ծիլ կամ շյուղ ամենայն,
 Որ ունի երանգ նաիրյան,
 Եվ կարող է վարակել մեզ սիրով...

Որպես սև, զազրելի զառանցանք,
 Ձր պատում է ոգին մարդկային,—
 Որպես ահեղ դահիճ,
 Որ, իբրև մահացու հանցանք—
 Ճանաչում է ոճի՛րն այն միայն,
 Որի հեղինակն հանցապարտ
 Հանձնված է իր <կարմիր> կացնին,—
 Չգիտեր այդպես Հողմը մեր այն—

Մեր երկրի մաքրագործ այն Քամին
Որ երկրի Հողմն է տիրող—
Իր երկրի ջուրն ու հողը սիրող
Եվ անգամ պանծացող ալդ սիրով
Այդ — անասնական — սիրով
Վարակված մարդկանցից առավել
Զազրելի ու սև թշնամի...

Մեր երկրի հոնդուն այն Քամին,
Հայրենի մեր Հողմը տիրող
Հայրենի ջուրն ու հողը սիրող
Էակից վատթար թշնամի...
Աշխարհի փրկարար այդ Քամին
Կարող էր արդյոք սիրով
Ընդունել — հին տունն իր սիրող
Զազրելի հաշմանդամին...

Օ, այդ չէ սակայն զազրելի,
Որ քշում է ահռելի մի հողմ
Թշնամու նման ամեն կողմ
Մեր երգի նոր ժիլերն էլի—
Այն երբ է եղել հարազատ
Իր երկրի, կամ օտար կողմերի
Մահաշունչ, դժնի հողմերից
Նախրյան երդի հերկը — ազատ...

Քշել է մի՛շտ էլ նախրյան
Ծրագրի սաղմը — քամին,
Տեսել է բյուր թշնամի,
Բայց բացվել է էլի — բո՛րբ ու բուրյան:
Քշվել է, արվել ոտնակոխ,
Խառնրվել հրի ու փոշու,—
Բայց իբրև ոգի, իբրև շունչ
Պահել է իր սաղմն ինքնագո:

Ամեհի կամքով զրահավոր,
Ահռելի, եռանդուն, դաժան
Բռնկված սակայն սրբազան
Հնամյա օրերի ահով...

91—107-րդ տողերի այլ տարբերակներ.

Համակված ահռելի ոխով
Դեպի սև, անասնական
Այդ սիրով ոգին սակայն,
Ծպտրված «կուսության» քողով
Էակները բոլոր նողկալի
Նա հնձում է ձեռքով <անողոք>
Հայրենիքն իր — հայրենի հնձի,
Որ ցանի — ցնծալի մի գալիք:

Իր երկրի հանցավոր սիրով
Վարակված հունտերն այդ սակայն
Հնձում է նա հանուն իրական
Հայրենիքի սիրո...
Նշելով զարշանքի կնիք
«Հնացյալ սիրո» ճակատին

<անընթ.> ես դրան հակադիր
<անընթ.> ճակատին Հայրենիքի:

Ամենի կամքով զրահավոր՝
Ամենի, եռանդուն, դաժան,
Սակայն սիրտը լցրած սրբազան
Ամենի կամքով զրահավոր
Ահեղի, եռանդուն, դաժան
Համակված որպես բիրտ մի գազան
Արնագույն թշնամու ահով:

Հնամյա երկիրն իր սիրող
էակից ահեղի թշնամի...

Եվ անասնական սիրով մարդկանցից առավել...

Բայց պահել է կենդանի մի շունչ
Ինչպես սաղմը մնացյալ
Բայց իբրև ոգի, իբրև շունչ
Պահել է իր սաղմը ինքնագոհ:—

Օ, այն չէ՛ սակայն զազրելի,
Որ քշում է ահեղի մի հողմ,
Ամենի խանդով ամեն կողմ
Մեր երգի տերևներն էլի,—
Եվ երբ է եղել հարազատ
Մեր երգին հայրենի Հողմերի,
Կամ օտար, դժնի կողմերից
Շառաչող...

Օ, այն չէ՛ սակայն զազրելի,
Որ քշում է ահեղի մի հողմ,
Թշնամու նման, ամեն կողմ—
Մեր երգի տերևներն էլի,—
Օ, ե՛րբ է եղել <հարազատ>
<նախրյան երգի սաղմերին>
Հայրենի կամ օտար Հողմերի
Վայրենի նախճիրից ազատ...

Օ, երբ է եղել հարազատ
Հայրենի կամ,
Կամ օտար թշնամի կողմերի
Մահաշունչ ընտանի հողմերից

Օ, ե՛րբ է եղել հարազատ
Իր երկրի կամ այլ կողմերի
Մահաբեր դժնի հողմերից
Նախրյան երգի բերքը — ազատ....

Օ, այն չէ՛ զազրելին սակայն,
Որ քշում է հայրենի մի հողմ,
Շյուղերի նման ամեն կողմ—
Երգեր ու ծիլեր կուսական,—
Եվ ե՛րբ է եղել խժական
Հայրենի, կամ օտար կողմերի
Տարածամ, դաժան հողմերից
Մեր երգի սաղմը — ազատ...

Քշել է միշտ էլ նաիրյան
 Երգի սաղմը, հաճախ դարձած սա՛ր—
 Օ, միշտ էլ — հողմերից հազար,
 Աշխարհի բոլո՛ւր կողմերում...
 Քշվել է, արվել ոտնակոխ,
 Խառնըվել հազա՛ր ահաշունչ
 Ճամփեքի ջրի ու փոշու,—
 Բայց հառնել է էլի՛—

Եվ հազար հողմեր <.....>
 Ոտքերով հազա՛ր գետնահար,—
 Պահել են միջուկը նրա հար
 Ծ՛վ անեղծ, և՛ անխառն, և՛ վառ...
 Ընկել է — իբրեւ սա՛ղմ կենդանի,
 Ոգու հո՛ւնտ իբրեւ անմահ,
 Որ ինքնով է միայն անմահ,
 Որ ինքնո՛վ, ինքն իր մեջ է անմահ,
 Որ ուզում է Հողմը տանի...

Օ, այն չէ՛ սակայն զազրելի,
 Որ քշում է ահեղի մի հողմ
 Շյուղերի նման, ամեն կողմ—
 Մեր երգի նոր ծիլերն էլի՛—
 Այն ե՛րբ է եղել հարազատ
 Իր երկրի կամ օտար կողմերի
 Մահաշունչ, դժնի հողմերից
 Նաիրյան երգի շյուղն — ազատ...

Քշվել է մի՛շտ էլ նաիրյան
 Երգի սաղմը, նորածիլ կամ բացված...

176—207-րդ տողերի տարբերակներ.

Իսկ գովք եմ երգում նաիրյան
 Պանծալի ոգուն հայրենի,
 Որ պահել է հունտն հայրենի
 Կենդանի, ինչպես սաղմն արյան:
 Եվ գովք եմ երգում ցնծալի
 Հանուն հոր, և՛ որդու, և՛ հոգու՝
 Նաիրյան բարձրաբերձ ոգուն
 Եվ սաղմին նրա պանծալի...

Եվ նա գովք է երգել անմահ,
 Գովք՝ անմահ հողմին ու քամուն՝
 Շոինդով է ողջունել թշնամուն,
 Որ բերել է ուզում իրեն մահ...
 Հիմնով է դիմել ընդառաջ
 Նաիրյան ոգին կենդանի—
 Ամենայն փորձության ու մահի,—
 Եվ հառնել է միշտ անմահ...

Ես գովք եմ երգում <ցնծության>
 Հողմերին, քամուն ու հրին,
 Որ անվերջ ոտնակոխ արին
 Նաիրյան սաղմն անկիզուն:
 Եվ գովք եմ երգում վերջապես
 Մահաբեր, վայրագ, ամեհի,
 Մահաշունչ, ներքուստ ամայի
 Այն վայրի ուժերին գրչակեր.—

Որ դարե՛ր, դարե՛ր, դեռ դարե՛ր
 Վայրենի՛, վայրա՛գ, բարբարո՛ս
 Խուժադուժ, խառնակ <անընթ.>
 <Հեղեղեր> ինչպես — արդարև
 Պատմության, կյանքի <ընթացան>
 Ուժերի նման կործանող
 Փորձեցին մեր ոգին ծանր—
 Կոփեցին մեր ոգին անմահ...

231—456-րդ տոհմերի տարբերակներ, բնագրային տարբերություններ, սևագրություններ.

Շյուղերին, որ ընկնում են հիմա
 Եվ տրտում ու...
 Եվ թույնով, թախիծով, խեղճությամբ
 Ու <.....> եմ նայում,
 Որ ընկնում եք <ահից> նվալով
 Եվ մեռնում եք — դեռ շունչ չփչած.—

Եվ ա՛յդ է ահա, ահա այդ
 Խեղճությունն է ահա ձեր ներքին,
 Որ թախիծ է տալիս իմ երգին
 Եվ լցնում ոգիս տխրությամբ...

Եվ զարմանք է պատում, և անհուն
 Կասկածանք, <շվարանք> անգամ,
 Թե ինչը ձեզ թեքեց այդքան,
 Որ դարձաք անդամ այդքան դուր...

Ինչպիսի՛ այդ հողմ էր հրկեզ,
 Որպիսի՛ <անհիմն ուժ>,
 Որ — լուծեց այդպես ձեզ ներքուստ
 Եվ զրկեց ձեր ոգին...

Հնամյա անտառում բուսած,
 Օ, հայրենի անտառում
 Հազար, և հազար, և հազար
 Տարիներ արմատներ ձգած
 Որքան ճյուղ արձակած
 Մի կաղնու սաղմն — ասա,—
 Անտառի ծիլերն,— ասա,—
 Ասա ինձ աշուն հայրենի
 Կարո՞ղ են ծիլերն այդ մի՞թե
 Չունենալ կուտակած իրենց մեջ
 Չլինել և ոչ մի <անընթ.>:

Կարո՞ղ է հողմերի շնչից,—
 Ուշացած արտն անգամ հանկարծ
 Տարածվել այնպես գետնաքարշ,
 Որ ոչ մի ցողուն չփորձի
 Գոնե մեջքը շտկել մի անգամ...

Կարո՞ղ է սերունդը վերջին,
 Որքան էլ ահեղ հողմերում
 Չունենալ ոչ մի...
 Կա՞ սերունդ արդյոք, որ
 Նախընթաց սերնդից հանկարծ

Չունենա ոչինչ ժառանգած
Իբրև ջիղ, արյուն ու ավյուն—
Որ փշող հողմերից...

Օ, այդ ի՞նչ, այդ ի՞նչ, այդ ի՞նչ
Ահռելի բացիլ էր զազրելի,
Որ որդի պես, ցեցի պես փորեց
<Նաիրյան քար ոգու>
Որպես թույլ, բարակ <անընթ>
Նաիրյան հազարամյա
Ինքնության զարմով զրահավոր
Ձեր ոգու կեղևն <ահա>,
Իբրև մաշկ երբեմնի զառամյալ...

Օ, այդ ի՞նչ, այդ ի՞նչ զորավոր
Մի բացիլ էր՝ ոգու ցեց բոցե,
Որ այդքան հեշտությամբ սղոցեց
Նաիրյան ինքնությամբ զրահավոր...
Ոգու ոգորումն հազարամյա
Սղոցեց հեշտությամբ, հեշտ
Եվ որդի նման մտավ ներս,
Ինչպես մաշկ մարմնի զառամյալ...

Որ ինչպես հին մրգի մեջ
Սողոսկած որդն ամենից
Նախընտրում է հունտը

Ինչպես հին նեխած մրգի մեջ
Սողոսկած որդն հանճարեղ
Ամենից առաջ — անեղծ
Հունտերն է կրծում

Այդպես մենք երբեմն կարմիր
Դեռ անեղծ թվացող խնձորում
Կտրելուց հետո — խորունկ
Սողոսկած որդի հետք հանկարծ

Օ, ցեցի նման ահարկու,
Բացիլի նման մի անտես
Դա Հողմի սաղմն էր անկեղ,
Որ կրծեց զրահը ձեր ոգու...
Եվ—ցեցի նման մտած ներս—
Ինչպես հին մի մրգի միջուկ,
Որ վաղուց դարձել է ջուր...

Նա ցեցի նման մտավ ներս՝
Փնտրելով դեռ անեղծ մի միջուկ,—
Բայց... դարձել էր արդեն պղտոր ջուր
Ձեր ոգու միջուկն արդեն եղծ...

Եվ տեսավ, որ վաղուց արդեն ծեր՝
Ձեր անկոր կարծրացած ոգու լոկ
Արդեն ջուր դարձած միջուկով—
Կեղևն է նաիրյան մնացել...
Եվ... մզլած մրգերի նման,
Որոնց մեջ սաղմն անգամ հին

Վաղուց է արդեն փչացել,—
Ընկնում եք դուք խեղճ, նվալով...

Որպես ճառագայթ անտես,
Նրա պես — ամենուր թափանցող —
Այսօրվա Հողմերի քանդող
Ճառագայթը ձեր ոգին քանդեց:
Նա ցեցի նման մտավ ներս,
Որ ուտի հին մի միջուկ,—
Բայց... գտավ այնտեղ միայն ջուր,
Որ վաղուց նեխած էր արդեն...

Եվ ե՛ս էլ՝ միևնույն անտառի
Սրբազան խորքից բարձրացած,
Գազաթով աստղերին հասած
Մի վերջին սոսի կենդանի,—
Արդ ես էլ, միայնակ բարդի՝
Ամայի անտառում ցցված՝
Արդեն քար կացնող խոցված՝
Մնում եմ <արդեն> իմ հերթին...

Ախ, քանի՜ անգամ բարձրացա <վ>
Այդ կացինը, որ ինձ զգետնե,—
Եվ որքա՛ն փորձեցին գտնել
Արմատները երգիս կարծրացած,—
Դիմացած քանի՜ հարվածի՝
Եվ սրտից, և բնից խոցված՝
Հայրերիս ավյուռով լցված՝
Չըկտրեց և ոչ մի կացին...

Եվ ընկնում, ընկնում են կրկին,
Ինչպես տերևներ աշնան
Հայրենի հերկերում <իրենց>
Ցողուններ հայրենի երգի...
Եվ ընկնում են, ընկնում են կրկին
Եվ գեռ նուրբ շլուղեր նորընծա,
Եվ տոկուն արմատից հնձած
Ցողուններ՝ բարձրաբուն ու հին...

Եվ այդ ո՛ր, այդ ո՞ր սատանան
Բնությամբ այդքան իրոնիկ,—
Ձեզ հրեց դառն այս օրին
Հոգևոր կոչում ստանալ...
<Որ մի կին> նեխած բերանով՝
Անատամ, թարախակալ,
Կենդանի կին իբրև կույս դուրեկան
Համբույրներ սփռե վճարով....

Միևնույնն է, թե նեխած բերանով,
Թարախոտ մի կին հանկարծ
Ապրելու համար ցանկա
Համբույրներ վաճառել թատրոնում...

Ինչի՞ն է որդին աղբային
Լուսատեսք աչք, կամ ականջ,

Լսելու ձայներ, որ չկան
Աղբակույտի...
Որպեսզի գոյությունն իր պահի
Բավական է որդին այդ եղկ
Երկու անցք միայն՝ մեկը քիչ նեղ,
Իսկ մյուսը — ավելի...

Այդպես էլ դուք: Այո՛: — Եվ ի՞նչ.
Գոյության համար ձեր գորշ
Գուցե ավելի և՛ պարզ,
Ե՛վ բազմիցս շահավետ գուցե—
Արդյոք այլ ասպարեզ չկա՞ր,—
Գործ՝ դնլի՞ն ավելի ձեր վայել,—
Որ թե հեշտ, թե կուշտ ձեզ պահեր՝
Եվ այլոց գոնե միտքը չըգար:

Դեռ առաջ, վաղուց,— երբ դեռ
Խաղաղ էր <վարը> ներքևում,—
Իմ գլխին այս հողմն էր հեռում
Ձեր խղճով կանչերի հետ մեկտեղ...
Նա վաղուց է ձգտում ինձ խեղդել,
Բայց կամ չի հասել գագաթիս,
Կամ փորել է <անընթ> արմատիս՝
Կաղկանձել մերթ «կիրթ», մերթ լկտի...

Եվ գաճաճ...
Խռատեց ջինջ ձայնը նոցա
Եվ տաղանդը անգին — գահից,—
Հողմերի պես բերրի, որ շանց
Եվ ոչ մի վսեմ երգի հանճար:
Մարեցին իրենց ձիրքը վերին
<անընթ> հովերին
Կանչելով գոհճիկ հանգեր
<անընթ> անգետ

Ոմանք կան դեռ, կամ անցել են արդեն
Լքեցին ոմանք հերկը երգի,
Մախեցին ոմանք <ձիրքը վերին>
Եվ խաչակիր դարձան...

Եղծեցին իրենց ձիրքը վերին...

Իսկ դո՛ւք — իսկ դո՛ւք,
Մեր հերկի ղազրելի զարմեր,
Որ միայն <անընթ> սերմեր
Միտեցիք ձեռքով ձեր ստրուկ—
Քամի՛ պես ծախու, պիղծ ասես՝
Մերկանդամ ձեր հոր մարմնին
Իբրև մի պատմուճան կարմիր
Փռեցիք լորձունքը ձեր սև:—

Օ, հազար վախից զազիր
Պղծողներ հայրենի հերկերի,
Ձեր ինչի՞ն էր փառքը երգի,
Երբ խոսել եք անգամ հազիվ:
Այդ ոչինչ, որ երկիրքը ձեզ
Ձի տվել նշույլ տաղանդի,

Մարդկային խիղճն եք
Վարակում <անընթ> դեռ...

Ավելին, միևնույնն է դա,
Որ նեխած, պիղծ, զարշահոտ
Բերանով այդ կինն աշխարհում
Դառնալով թագուհի հանկարծ,—
Ցանկանար որպեսզի բոլոր
Հպատակ այրերն իր երկրի
Պարտադիր կերպով համբուրեն
Ամենայն հերթով
Շրթունքներն իր

Եվ ահա,
Որ բոլորս, իբրև օրենք,
Պարտավոր ենք նրան համբուրել՝
Զմայլված բույրով բերանի...

Ոչ. համբույրն այդ կնոջ առավել
Կլիններ նման ձեր դերին,
Եթե կամքով մի վերին
Թագուհին դառնար նա մեր—
Եվ, բխյալ ահա նրանից՝
Պարտ են հռչակել օրենք,
Որ բոլորը նրան համբուրեն
Զմայլված բույրից բերանի...

Սակայն մեր այս <զարշ> բերանով
Թագուհին հեքիաթ է եթե,—
Կենդանի՝ եք այսօր դուք դեռ
Եվ երգում եք երգեր նորանոր
Եվ մինչդեռ այն գորշ
Թագուհու համբույրով զարշ
Ձեր երգած երգերն ստորաբարշ
Զմայլվում են...

Եվ նրա քոռ — սրամիտ
Նախարարն հռչակեց օրենք,
Որ բոլորըս նրան համբուրենք՝
Զմայլված բույրով բերանի...

Նրանից չի՞ արդյոք <նկարած>

Նրանից ... հինգ դար առաջ

Չէ՞ որ <անընթ> — մոգե՛ր՝

Նա տեսել անցյալն ու գալիքը—

Մինչ կատարումն աշխարհի

Օ, մի շնչին խաղալիք

Այդ հանճարի համար էր

Բայց չէ՞ որ դուք երեկ դեռ կայիք,—

Եվ անգամ գործերում ձեր հաճախ

Հնչում էր նախրյան ջանք,—

Եվ <աներեր> ձեր շնչում երգային.

Եվ կային դեռ երեկ ձեր մեջ

Արդեն այդ դարձած բարձրաբերձ—

Եվ ոգով, և՛ շնչով անեղծ

Նախրյան և արդեն նախորդ...

476-րդ տողի սևագրություն.

Մահացու այս եգգը նորա...r